

光緒鎮海縣志

鎮海縣志卷之十九

高賢傳

昔廣桑子北居畏壘之山而畏壘之人尸祝之白  
駒空谷君子來遊地固以人重也邑多名山與宅  
長者之轍恆滿或尋幽選勝久淹是邦一時風流  
所被郡人士皆得奉教於有道君子用綜芳猷以  
誌景行

宋

方軫字叔載閩之莆田人大觀初爲太廟齋郎上書請誅  
蔡京疏嶺南復流永州靖康元年赦復遷鄆令貴不能歸  
留家於鄆後偕其次子傳徙居定之靈緒鳳翔以壽終於

家譜志卷之五

乳塘原先領四十七代孫若丁次子建炎四年遷衍聖公

肅文叔傳姪珩居鷺至明州次於定海縣屬鎮東觀

彭勢遂卜居邑東李硤府志

謝字字用乾平江人建炎二年以難賣還本鄉定海令歿

於官時金人南侵道路荆棘不獲歸葬於縣南寺遂

卜居學宮之西而附籍焉紹興元年葬於墓後鄉子孫科

甲蟬聯至今不絕乾隆志參陳志彙

胡桀寶慶初以沿海制置使知慶元府請得米一萬五千

石以浚東錢湖命水軍番上迭休且募七鄉之食水利者

助役又奏以贏錢二萬八千三百四十七緡增置田畝以

其入分漁戶人歲給六石隨時麥之生則薙而絕其種民懷其惠五年命錄事參軍廬陵羅璿取四明圖經重訂之爲四明志文獻賴以有徵久之見宋勢日促知必改命因其族兄汝恩居定之東湖來訪之獨觀山水擇蘆江之區懇田築室謂其子用之曰吾觀汝氣質可爲田舍翁我國之大臣不知死所矣汝亟居此卽胡氏香火種也遂家焉後築位祠空卒於官胡氏至今族甚繁衍云

嘉靖志參  
乾隆志

謝士恆字克常理宗時進士歷官刑部尙書年六十餘致仕居於大浹南之蘆江築精舍其旁立宗子有事必告之常誠族人曰子姓不許爲信道喪祭不許從異端嫁娶不得論財賄宗族不應論貧富景定五年卒賜葬邑之葉家

舉今子孫猶居其故宅號蘆江謝氏云雍正府志

謝翱字皋羽福安長溪人試進士不第以文章名家元兵取宋丞相文天祥亡走江上檄州郡舉勤王之師翱傾家資率鄉兵數百人赴難遂參軍事天祥被執翱匿民間抵勾越東入鄞過蛟門臨大海歔歔流涕至定海學得邑令趙所傳魯國碑紀以詩所謂秋風嶽下城海客見圖新是也愛睦州山水率其徒遊焉後居錢唐肺疾作而死宋史

聯髮集

元

周友常字景賢齊之青州人至正乙酉進士初授餘姚州學正課士有條與朱公遷齊名以薦陞慶元路提舉安民

有成績如我十二海艘以蘇漁戶之困實五家供四  
軍民之徭公私俱利賴之未幾因方國珍擾內地陳  
救援之策勿用遂掛冠隱大浹之南

雍正府志

丁鶴年回厓人父職馬祿丁以世蔭爲武昌縣達魯花赤  
有惠政解官畱葬其地至正壬辰武昌被兵鶴年年十六  
奉母走鎮江母歿鹽酪不入口者五載烏斯道爲作丁孝  
子傳從兄吉雅謨丁爲定海令往依焉薦章凡九上皆不  
受隆冬衣不掩脛守約自甘不樂仕進凡憂憤悲愉皆發  
之於詩古作短行渾厚清麗尤工七言律鶴年來定所居  
在浹口曰海巢

明史葉參雍正府志及鮎埼亭集

戴良字叔能浦江人通經史百家暨醫卜釋老之說初習

舉業已棄去學古文於黃潛柳貫吳萊辛丑元順帝因薦者言授江北行省儒學提舉良見時事不可爲避地吳中自鄞至定欲泛海抵擴廓軍道梗寓昌樂洪武六年始南遷復居於定提學毛翰有訪良定川寓舍詩其出遊必載二親木主遇時哀以祭之後遷慈遷鄞迄無定所十年被徵太祖欲官之不可忤旨下獄明年暴卒

明史  
靈集及年譜

顧園字仲園號雲屋其先崑山人祖父皆爲海道運糧千戶園生而聰達讀書一過卽記不忘兼好武不顧於學年十六遊燕都出入王侯將相門晝則相與馳馬擊劍射博取勝夜則兀坐邸舍閱諸史百家及奇書名畫有得然後已旋奉朝命襲父爵爲千戶所厯有績未幾遭時大亂南

北隔阻因卜居定海之崇邱鄉樂其山川之勝也遂杜門謝世事痛刮去舊習絕嗜欲刻志文藝卒以善畫名於世識者以爲不減虎頭筆法爲作詩亦清奇駭人元亡恣遊明越山水間不妄交接嘗有權貴人欲一見之時夜將半遽踰垣走避好賜急而未嘗妄取毫末於人性剛直或折人過失而人服之年六十二卒

趙爲謙撰墓志

明

開忠柘城人父濟官司寇以諫坐死安置忠於定昕夕悲號刻木奉祀事繼母至孝因時艱上平寇策十餘事不就職草衣蔬食而終子政以明經司訓全椒正統間巡撫焦公爲置宅以錄祀事

乾隆志



劉晟鳳陽亳縣人父甯當明太祖初起兵時甯以壯健從  
攻偽漢陳友諒僞吳張士誠皆克之大著勲勞甚爲太祖  
所愛及其沒賜祭葬典禮優渥子晟年幼服闋告襲太祖  
悼恤諭兵部尙書某曰其父誠實其家並無過犯不論資  
次教晟爲彼父原衛指揮使且休要他掌印免其比試晟  
隨襲職永樂三年調定海衛指揮使五世孫直立石碣勒  
太祖諭敬承祖行不怠碑陰則勒甯之像同郡大司寇陸  
瑜爲之贊翁山陶某爲之跋其後甯之子孫家於定世襲

祖職焉

乾隆志

鄭貞字千之鄞縣人舉鄉試第一研極古今嘗取諸家格  
言著爲集傳集說集論尤熟於四明掌故靈緒方氏爲文

獻大家多採錄焉遂僦居是鄉任存敬恆農軒記裴可道  
湖山軒銘皆其手筆真負重名見者皆稱爲鄭先生暇則  
覽鳳湖雁門之勝時徜徉其中

備志參  
榮陽集

羅友聞慈谿人慕伏龍形勝杖策來遊闢一室在岡之陽  
高明敞朗一瞬千里額曰龍山隱居與賓客觴詠其中樂  
而忘返會有司遣入京師遂拆大江憩鄂渚入苗搖款洞  
往返萬餘里至長淮坐對荆塗二山慨然曰視向隱之龍  
山其孰多也耶因揭舊額屬教授鄭真爲記其寸心猶戀

戀云

榮陽  
集

傅應禎字公善安福人隆慶五年進士除零陵知縣調知  
溧水萬曆三年徵授御史張居正當國應禎其門生也有

所感憤上陳重君德蘇民困開言路三事請擢趙參魯京  
職還余懋學故官爲人臣進言者勸居正以疏中語侵已  
大怒調旨切責且詞及懋學執下詔獄窮治黨與應禎無  
所承明年謫戍定海凡顯僚謫戍者仍以貴官自居應禎  
獨怡然供役每撫軍兵使者巡海閱操輒衣軍士服執仗  
立演武場主者辭之曰上有我死爲軍敢不著伍乎羈旅  
多暇集邑中名士立文會躬課之加以品藻薛三省時方  
弱冠爲諸生一見器之曰此石渠虎觀中人也居正故復

官還朝

邱府志參明  
史案本傳

徐渭字文長山陰人十餘歲作揚雄解嘲作釋毀與歙人  
余寅郵人沈明臣皆以詩名總督胡宗憲招致幕下同筦

書記宗憲至定海防倭得白鹿令涓草表以進世宗大悅  
益寵異宗憲宗憲以是益重涓角巾布衣長揖縱橫幕中  
有急開戟門以待或問不至宗憲願善之嘗寓穿山有穿  
山感事詩與客登招寶山遂有望梅岑港一窺賊壘之興  
宗憲擒賊皆預其謀及宗憲下獄懼禍發狂引巨錐刺耳  
碎腎囊皆不死涓天才超軼自言吾書第一詩次之畫又  
次之後二十年袁宏道游越得其遺帙以示陶望齡相與  
徵賞刻其集行世

明史系本傳  
參文長集

錢龍錫字稚文松江華亭人萬曆三十五年進士由編修  
官至文淵閣大學士崇禎三年爲御史高捷史蘆所劾左  
中允黃道周疏救忤旨疏三上帝意感動其夏大旱刑部

尚書胡應台等乞宥龍錫詔所司再讞讞入命遣戍定海

衛所十二年

案南雷文約載九年

兩遇赦不原禍王時始復官還里

明史案

本傳

成勇字仁有安樂人天啟五年進士爲饒州推官崇禎十一年授南京御史上疏劾大學士楊嗣昌奪情上大怒命提訊下獄尋遣戍甯波衛福王時起御史不赴後披緇爲僧而終

案宋準筠廊二筆載東林書院從祀兩廡列成實

慈勇之名明史書字仁有別實慈其別字也又鄧

人李文潛集寄成實詩謂成定川詩有云荷戈

赴岐門以講壇豈問龍場僻蛟關龍場皆定

固甯波所轄明史第渾言之未實指其地耳附識  
於此

張宏化字遠公江甯上元人七歲遭兵亂途遇大帥張某  
以其同姓養爲子大帥駐防四明延傳課讀年十四補弟  
子員定海庠風度凝肅於庭幃爲諍子滄洲之役大帥獲  
賊從數百宏化跪啟曰此中得無有狐裘羔袖者一詣市  
曹何以白差次於泉下乃屬有司得生還者百三十人辛  
卯浙江鄉試置乙榜第一復就北闈又雋乙榜以叔祖存  
仁節制四省推恩所及任東城副兵馬娶鄧氏生子亡何  
母子俱喪宏化亦軫結抱病卒居定五載與謝泰宗交最  
契憫其兩雋不遇造命多而享壽不永泣以銘其墓

天恩集

徐孚遠字闇公華亭人崇禎舉人與吳易舉兵太湖至泖  
濞軍敗脫身奔閩唐王授推官晉兵科給事閩潰入浙結  
寨定海之柴樓時甯紹台諸郡俱有山寨以爲舟山接應  
柴樓與舟山相近勸輸充貢賦海濱之士多往依焉陞左  
都僉御史辛卯舟山破從亡至鷺門晉王上書於滇遷左  
副都後入臺灣有海外幾社集釣璜堂集

東井文鈔參  
鮑琦亭集

張密字子退華亭人乙酉恩貢生官南京兵部司務先是  
徐孚遠主幾社密三兄寬皆師事之金陵破密隨孚遠至  
定共結山寨時謝泰陸遜居柴樓相與抵掌指畫繼之以  
章皇痛哭見者不解此數人一日而哀樂屢變也及潞洲  
破孚遠從亡密獨居浹口者有年

社事始末參  
南雷文約

國朝

趙虎字元卿先世真定人歷襲衛官父有金隨朱帥萬化鎮定海補千兵虎依焉海盜朱飛雄寇定有金敗賊船於七里嶼飛雄遁至金塘洋死於礮虎復殲其餘黨由是敘功以有金陞定標游擊虎補千總俸滿虎陞榆林守備隨大將軍西征以功陞建安游擊後有金歿卽葬鎮地而虎母卒於真定乃辭職扶柩至鎮合葬於父塋遂世居焉

志

乾隆

姜宸英字西溟慈谿人爲文下筆無凝滯書法鍾王詩宗小陸論者皆以唐詩晉字宋文章推之顧抑塞不遇來鎮與謝氏羣從遊下榻夢園酒酣賦詩輒奮袖而起以自寫



其數奇之況年七十始捷南宮殿試進呈

上問十卷中有浙人姜宸英乎因拔置一甲第三己卯典

順天試來護者之口下獄勘問事未白已赴玉樓召矣宸

英名滿天下今謝氏猶藏其片紙隻字珍如拱璧

慈谿志文苑本

傳參羣間詩鈔小傳

裘璉字殷玉慈谿人才高學廣與同邑鄭梁先後執贄黃

宗義之門舉進士殿試二甲第一等身制作於古無所不

能文則八大家詩則唐詞則宋曲則元諸體之中詩尤適

上著易皆軒集爲薛士學選定集中寄蛟川九子士學其

一也作東海歌贈許蔣二生又有同諸公登招寶過何氏

園亭諸篇甚夥蓋與謝氏子弟往來尤密云

橫山詩鈔參黃宗義鄭梁

黃式三字薇香定海人性孝嘗赴鄉試母裘暴卒於家馳歸慟絕誓不再應鄉試以歲貢生終於學不立門戶博綜羣經著書十二種見者皆以爲漢宋持平之作來鎮與劉燦善遂卜居於邑南柴橋課其子以愚以周能世其學江東稱經師者必曰黃氏歿後五年學使吳存義讀其遺書與巡撫馬新貽會奏入祀鄉賢祠

譚廷獻  
撰家傳

案乾隆志載漢梁鴻唐羅隱梁鴻避地東霍第二山羅隱遊昌國海中桂竹嶼皆非舊地今從刪

鎮海縣志卷三十

仙釋傳

二氏之教由來舊矣究其旨亦自能印契妙明步  
虛靈寶必謂吾儒所闢而盡火其書可乎鎮邑古  
稱三佛地而丹山赤水又爲仙人所窟宅緇衣羽  
士託迹尤多擇其有可稱述者備錄之

後漢

晉定字始甯常行三觀後止天台自佛教入中國時爲靈

峯開山之祖

靈峯志

晉

葛洪字稚川高密人嘗居靈峯煉丹丹井猶存久旱不涸

植筋竟成方竹乾道間耕者於其下得銅鼎一無足而有耳耳亦不穿中可容斗餘而底之埃墨猶在遂歸進士陳節謂煉丹之遺器

寶慶志參  
乾隆志

陳景沛案曰靈峯志晉泰始三年葛仙翁至壺山煉丹與本山道安師共飯飯畢信手插箸復生枝葉遂成方竹今竹雖滅迹而丹井猶存注云仙翁名元字孝先晉書所載葛洪號抱樸子者其從孫也習其術亦尸解得仙以寺志考之爲元非洪然世遠年湮未能定其孰是

道安十二歲出家性聰敏而貌甚陋不爲師所重驅役田務者三年執勤就勞曾無怨色後啟師求經師與辨意經

一卷可五千言安齋經入田因息就覽暮歸更求餘經師  
曰昨經未讀乃復求耶答曰已悉成誦師雖異之而未信  
也更與成具光明經一卷將一萬言齋之如初暮復還經  
師令誦之不爽一字方大驚嘆武帝時延入宮說經尋復  
還山及葛仙翁煉丹其地兩人相得甚懽遂挾之同遊而  
去不知所終

靈峯志

道悟夙有才名秦王姚興逼以易服輔贊屢辭不許旣而  
獲免乃嘆曰昔人有言益我貨者損我神生我名者殺我  
身吾何爲哉遂窺影巖壑味禪終身焉

靈峯志

梁

景泰居靈峯秉持宗教後至惠州寶積寺道風不振當時

稱爲文殊出世

陳志

隋

寶月曾居靈峯在六朝時最工詩與湯休寶誌諸耆宿齊

名

陳志

唐

法藏住靈峯嘗垂教云佛本清淨無相可比無形可像天命之性人人本有能返心見性卽名爲佛時服爲見道之

言

陳志

無業字懷益陝西雍州人遍參知識來住瓶壺穆宗聞其賢遣左街僧錄靈阜齋詔起之無業笑曰吾居海島何德上聞而傾動人主若是爾先行我卽往矣遂沐浴端坐集

諸法眾曰汝等見聞覺知之性與太虛同一切境界本是空寂迷者不了卽爲境惑惟常了一切便是諸佛用心處言訖至中夜而逝靈阜回奏帝益嗟嘆賜諡大達法師

靈峯

志

宋

惟俊靈巖金泉里人俗系蘇氏年十三投佛門二十偶參名宿博通三藏後復住靈峯新修梵刹進士邱陶作記時皇祐元年也暮年說法講經不倦至八十一歲涅槃異香

三日遠近聞焉

陳志  
案

明智俗系爲鄞陳氏九歲出家於甬東之棲身寺受經一誦久久不忘治平中試經開封府中選得度初依廣智學

教觀及神智繼主南湖往依之神智開幃設問答者二百人無出其右後退隱靈峯日宣止觀至不思議境嘆曰吾道至斯極矣尋應郡主請再住延慶禪寺

陳志  
案

智朋四明黃氏子紹興初主婺之天甯後退居明之瑞巖建康清涼寺請朋住持郡守亦勉其行朋不從送使者曰相煩專使入煙霞灰冷無湯不點茶寄語甬東賢太守難教枯木再生花未幾終

五燈  
會元

陳景沛案曰五燈會元載四明禪僧瑞巖有義海  
智才石窗法恭名附記於此

德宏衡陽人得傳於泐釋祥公至四明棲息靈峯性剛峭不妄言笑有鐵面之名一日有僧來謁稱同里閑侍者傳



命師曳杖且言且語曰不去參禪學道來認鄉人討箇甚  
麼卽以杖打出後延居啟霞有貴人卜葬扶柩至師堅臥  
其穴不能襄事郡守仇念遣人諭之曰千年常住一朝僧  
何苦爭乃爾耶師答曰詎可以一朝僧壞千年常住貴人  
亦賢者善其言而改圖焉

陳志  
案

了悟薙髮於靈峯院後習天台教法於延慶明智師稱高  
弟子開禧時曾刊陳瓘有門頌於石

靈峯  
志

善月字廣遠母夢月入懷而生出家遂名善月蓋古佛名  
也居南湖學者雲集後居上竺歲旱詔迎大士於明慶車  
駕親幸月以禱雨應補右街僧錄史忠獻問曰然何能斷  
答曰日遠月忘問以安心曰心本不動晚歲著論不輟壽

九十三

延祐志

徐道亨善相法父歿後奉母同遊四方至奉州宿於逆旅患赤眼而食鱗遂成內障素解頰般若經出丐市里所得錢米仍歸持養凡歷五年忽夜夢一僧長眉大鼻託一鉢盂孟中有水令道亨掬以洗眼復告之曰此去當服羊肝圓一百日道亨知爲佛羅漢下拜願乞賜良方曰用淨水洗夜明沙一兩當歸一兩蟬殼一兩木賊去節一兩共碾爲末買羊肝四兩白水熟煮爛搗如泥然後入前藥拌勻圓如梧桐子大每食後以溫熱水下五十粒語畢道亨敬書於片紙如不病者款然而寢如方製藥服之滿百日復舊與母還鄉母亡既葬乃忘家入道

庚堅志

元

陳可復從其師與真居杭精齋醮儀有林先生善役雷恣  
酒自汗或問其法輒叱去可復晝夜承事同林嗜酒每鬻  
衣以奉卒得其術至元間大旱禱祀莫應有戲之曰陳道  
士能役雷命至官達將侯其不驗以侮辱可復徐行精思  
集雲雲果合須臾雷電大作雨甚遂召爲承應法師世祖  
偉其貌命治足疾可復曰疾深不可除臣有禁架術願試  
之良愈復命止風風返卻祈雪雪立至從上巡幸幾十年  
卒京師追封爲誠明翊教太極真人

延祐志

善入世居於定大蓬因法師一見異之與半山彬師並受  
戒游四方客東掖山著教家四書指畫勸懲從者樂其簡

易時有善良與相講習各植立不肯附和良嗣圓覺頑空  
師而入能昌大蓬之教始典謁南湖後主教赭山東皋癯  
容儼修粹然古德千口無異詞錫號惠化宏教法師自號  
秋虛延祐間示寂年七十有八化於城南頂上得舍利清容

集

善良字子直俗爲邑之朱氏祝髮淨居游杭師頑空覺大  
師空問不二門所屬三諦三千其旨意與空合俾守講席  
後遊淨慈訪禮禪師以古德語叩辨禪語良曰三觀之旨  
不外乎是禮謝曰其歸振汝宗集慶寺成命選主席晦法  
師主上竺任可否良預是選講大涅槃經聽者雲集敎奉  
頑空上竺不能强也歲久以輿論主延慶大德元年入寂

僧臘六十年七十有九奉遺骨歸於祖闕

清容集

圓字鏡中法嗣里氏無稽嘗守靜於靈峯後住中山有和

永明禪師山居百詠詩生平著作甚富

陳志藻

王德華服道士服善攝鍊其於宜所學者曰章奏符錄風

陽疾疫親究而遠叩遇方外士必質衣以請迄有成就年

八十有八主焚修於元妙家世定海自號曰蓬山志不忘

初也袁桷爲作隱仙記及其歿以文祭之

清容集

司聰字木菴黃巖謝氏子年十五依靈峯汶公祝髮受具

至順初謁天童平石砥公爲侍者後至武林見竹泉於中

竺參竺田於靈隱依元叟端公典藏自謂沙門釋子當以

治心爲先務治心之要惟明惟靜明以照昏靜以止亂昏

亂既除慧光自顯於是更加勤惕久之又自察其所守不離見聞覺知遂入天台旋來太白閉一室於蒙堂禪觀禮誦日有常課至正二十三年遷國清洪武五年詔兩浙高僧校讎梵典師與焉事竣還山退居東堂及示寂塔建於靈峯寺之西麓

備志

明

智朗住持妙勝寺洪武二十一年爲僧會嘗注法華經行世以所注經進

乾隆志

勉一任姓邑之靈緒人萬厯年間生茹長齋終身不娶預知休咎每言輒應歿後配食龍王廟

乾隆志

真拙字無能姓張氏順天人七歲出家大千佛寺久之徧

歷名山萬歷四十四年來謁洛迦見朝禮大士者多露處  
因於淵德觀右建海雲菴以接遊僧生平不枕臥不鹽食  
金錢纖毫不染手初不識字人之開悟一覽成誦對人只  
默坐問之輒答如響有書生叩之曰戒定慧得力奚似應  
曰是卽儒家定靜安慮也所到多有修建在姑蘇葑門內  
削青松菴時以一舟往來見浮屍收瘞之一日誦涅槃經  
畢端坐而化

邱府志

如訥字杜言一字慧寶潯洲人姓孫生時父以人言不利  
考家寄養城北觀音寺師靜持見其穎教之讀卽娓娓應  
稍長問其師佛出爾時爾時是何候又曰四天王之三曰  
三夜諸菩薩之一刻何菩薩歲月反促也師無以應父業

日寤乃聽祝髮爲弟子靜持以其父習情弗與其食杜言  
時懷果餌以奉有所操作卽代而前父卒守制如俗生平  
工詩兼善草書時邑中薛宗伯謝方伯與結方外交歎爲  
今之懷素順治三年遊閩邵院佟公有私面好迫令蓄髮  
官以官浮海逃焉遇干掇者以細作獲防守將官驚曰此  
杜言師主人東溟公所北面膜拜也齋以糧而歸住持靈  
峯寺年七十七涅槃塔建於寺後平岡著作甚夥錢龍錫  
謫戍定海序其詩

天愚集

鐵牌和尚不言名或云蜀人時持一鐵牌往來城市故名  
之或服僧衣或爲道裝暑月常服絮袍臘月能冰水中浴  
崇禎年間住招寶之潮音洞有衣以新衣見貧者旋與之



不少吝喜飲醋盡一瓶未嘗有蹙眉狀士人間之者爲僧  
何不誦經對曰爲儒何不讀書曰吾日誦千萬言對曰能  
行得一句否曰則浪遊街衢夜則歸宿山洞一夕坐化乾隆  
志

自聞字石耳俗姓李九歲至靈峯爲釋時杜公在堂詩學  
書法兼得其傳性倜儻無緇流習氣與當世士大夫交不  
拘形迹識者高之靈峯志

明如年十五投定公爲師性愛靜不涉世事獨居山上者  
三十年虔禮法華諸經日久不輟壽至八十八靈峯志

國朝

朱守靖字奉明邑之崇邱人年十五卽學導引胎息之法

康熙三十五年夏旱令唐鴻舉延至招寶山禱雨自五月初六日起至初十日亢陽如故令詢何以無雨守靖定以十三日雨澤滂沱晚禾豐稔屆期果驗遂以名在丹臺旌之乾隆

志

理通字朗然俗家虞姓自幼穎異繙閱梵典多所會悟便萌皈依念年二十薙染禮成公爲師工書法勁逸不亞杜公學詩詩律不甚細往往多率真趣旁及圖畫工牡丹蘭竹梅花諸品一時縉紳大夫咸樂與爲支許交靈峯舊有志乘屠赤水序其端師購得之而書以半因自任蒐羅殫精八年始成卷靈峯之得復有志者師之力也性不耐煩委其事於法嗣飄飄然有出塵想每遇興至不問爲儒

釋書嘗中夜起坐高吟朗誦殆亦近世高僧云

靈峯志

超如字漢雷俗系爲邑之李氏母夢老僧以鐵鉢投懷而孕生則啼不絕聲兒僧則喜年十一遂懷出家之志初就觀音寺更詣育王西塔禮太初爲師十八歲薙染厯依名師法席研窮旨趣圓具於天童覲嚴於青蓮順治十二年乙未游台宕止奉川之洞山明年聞卬山移錫大慈爲往來求證咨叩無虛日卬山遂授衣及鉢囑語云覓心斷臂有來因少室曾無輕易人汝是法中英氣子濟宗一派仗流遵康熙年開示寂語錄入梓凡四

大慈寺志

超極字孤峻俗系霽裔徐氏子自幼穎異披薙名海順力學一載偶過海雲菴僧受元告以費隱主席天童遂往依

金華集卷二 第三十一  
焉時印山爲知客舉父母未生前本來面目爲問乃日夜  
參求呈偈有入處及受具恍然有得說偈云大地山河不  
露蹤渾然一體有包容本來莫謂無全物海底金烏徹夜  
紅由是與山日近後因廚寒募緣台州留極安院凡遇上  
堂多出眾激揚緣事竣仍轉天童前後侍山十有三載終  
始無少淪其後蹤迹不一處邑中諸賢合延主席大慈錄  
其語之出於本色者輯爲全冊

大慈  
寺志

源靜郭姓學浮屠於塘頭菴從五磊受戒不修禪教惟糲  
飯蒔蔬作清苦行有假宿者卽讓榻與之已則徑行達曙  
一日有瘋疥僧來衣藍縷眾皆避之源靜與之語達旦及  
僧去謂眾曰此鄞之火化號小鐵牌者來速我行與大眾

別矣遂立化時康熙十年也

乾隆志

慧通鄞徐氏子幼聰穎薙髮於祇園菴至鎮靈芝山興建  
普慶焚香趺坐不出法堂剝魯虎亂以法制之圓寂之日  
凝神端坐召眾說偈曰萬緣脫去假還真離是離非見本  
人事理不關常寂照光吞諸色淨無塵遂合掌而逝

乾隆志

明意自普陀祝髮重修觀音教寺康熙十九年正月十一  
日早曰修行者稱五戒今無憾矣次日至西門外隙地化  
去眾遂結菴於其所曰化身菴

備志

陳景沛案曰乾隆志化身菴注僧名百億此名明  
意

自明字海宏四川涪江人年九歲隨父母至洛迦山進香

遂皈依長岡永壽精舍後居靈緒鄉福田菴守戒律郡閣學史大成雅重之顏其居曰印平心里老延主永甯寺

陳志

宗輝字淨月普慶菴僧幼與晚荃爲育王秋遠高弟子當道聞有幹才延主邑中總持寺修造鐘樓鼎興天后宮建萬緣塔後又主席端巖修廢舉墜乾隆戊寅年七十有奇郡守延修天封壇頂募砌道路自邑至桃花渡驛約六十里壬午春接

駕西冷

賜藏香綵緞晚年好吟咏與邑士贈答有芝峯集彙藏菴

陳志

彙

天然華亭人幼爲農家子年十八投金山法忍寺薙染雲  
遊四方詣雲林朝天台返郡興延慶寺之觀堂請悟心和  
尙開法印證眞傳爲入室弟子年老歸華亭省母母逝侍  
靈百日邑人延主總持法席百廢具興梵宇改觀嘉慶十  
四年夏趺坐而逝

陳志  
案

案乾隆志載唐惠超居九峯山柏香巖此山在昌  
國惠超居山之柏香巖見寶慶志舊志因邑泰邱  
亦有柏香巖故誤入又載宋董公禪師晚歸西巖  
興善院元王天助邑之蓬萊人西巖興善院及蓬  
萊屬昌國今皆從刪

鎮海縣志

卷二十一

二

一



鎮海縣志卷三十一

藝文上

史載藝文昉於班史志方書者咸準是例邑爲文  
獻淵藪巨儒碩士著述宏富四部目錄遞相增衍  
而歷祀縣遠流播漸稀今以先正論撰見於傳記  
者分部紀之至近人所著目驗卷帙始登於錄藉  
以傳信云

經

朱

曹粹中易解

浙志

延

放齋詩說三十卷

玉海

宋藝文志補千頃堂書目作  
全祖望曰深甯王氏解詩多

鎮海縣志

卷三十一

藝文

新

有取於先生之說如據太始天皇之策包羲網罟之章  
葛天之八閔康衢之民謠以為詩本而瞻彼早麓以漢  
書地理志證之知為旱山四月秀萼以爾雅本草證之  
知為遠志又引齊詩以定采蘋草蟲之先後其所引名  
言尚多有之而完書則意其不可得見矣忽見永樂大  
典其中有之乃抄而謀付之梓因念少時讀深宵四明七  
觀其於經學首推先生之詩今幸得拜而讀之奚翅南  
金不徒桑梓敬恭之思也自先生之詩說出而舒廣平  
楊獻子出而繼之為吾鄉詩學之大宗慈湖之詩傳相  
繼而起咸淳而後慶源輔氏之傳始至兩上則論吾鄉  
詩學者得不推先生為首座歟

孫枝書解十三篇

浙志正志

至

沈煥禮記訂義

乾隆志

王文貫春秋傳

浙志義考

經

王宗道易說指圖十卷

浙志通考

續

書說六卷

續通考

讀詩臆說十卷 續通考 浙志脫說字千頃堂書目作讀書臆說入子部儒家類

禮說七卷 浙志義考 經

切韻指元三卷 郡齋讀書志 文獻通考 晁公武曰其學本出西域今其法類本韻字各歸於母幫滂並明非敷奉微唇音也端透定泥知徹澄娘齒音也曉匣影喻舌音也來日半齒半舌也凡三十六分爲五音天下之聲總於是矣切歸本母韻歸本等者謂之音和常也本等聲盡汎入別等者謂之類隔變也中國自齊梁以前此學未傳至沈約以後始以之爲文章至於近時始有專門者矣

黃震讀詩一得一卷 浙志藝考 經

春秋集解 嘉靖志

禮記集傳 嘉靖志 案以上二書卽在日鈔中 蔣溪

發震取二經爲之集解其義甚精蓋有志補諸子之未備也不欲自顯故附著於日鈔中其後同郡程端學有

春秋本義東匯陳澧有禮記集說皆無以過之永樂中修五經大全諸儒皆未見日鈔故一無所取

曹說易說浙志變象占延祐志說五經有解易解為全書分辭袁桷撰墓志曰易說為里人所竊今

存不

明

豐寅初古易畧說

嘉靖志于頃堂書目案浙志引嘉靖志作畧記今考嘉靖志實作畧說未

知浙志據何本

陳端禮喪祭禮儀注解

浙志嘉靖定海志

夏時正深衣考一卷

明史藝文志于頃堂書目

三禮儀畧十卷

于頃堂書目

三禮舉要十卷

明志于頃堂書目浙志作三禮儀畧舉要十卷元賞齋書目作禮儀舉要

家禮四卷

浙志嘉靖志

春秋辨疑

千頃堂書目

辭三省易蠡二卷

明史橐明志浙志經義考無卷目  
曾孫克聖跋曰天啓乙丑冬曾大父文

介公出京舟泊潞河善易蠡崇禎甲戌曾大父謝世東

崖黃公茗柯凌公嘗閱是書而序諸簡端蓋兩公出於

青陽羅給諫門而給諫為曾大父癸丑經房所得士也

後十年先考寄棲鏡湖寓次累歲移家積書半為僮僕

所竊是編散佚已十之五兩公遠貽序彙亦復不存偏

搜舊帙竟無所得每一撫卷愴然久之今在笥者非全

書也然念手澤所垂不敢終於湮沒錢諸

梨棗以傳後人蓋遵先考之遺言云爾

春秋辨疑四卷  
謝義渠文介集序乾隆志無卷目

傳較其同異辭旨錯出隱然若有所刺於心蓋不特視春

秋為刑書等義類於條例如昔人所譏已也朱子曰魯

史舊文既不可復見不知孰為聖人所筆孰為聖人所

削夫小知不及大知以今人而欲窺聖人之用心固宜

其難矣然將謂聖人之用心終不可得見耶春秋經世

先王之志聖人議而不辨斯言也誠知足以知聖者觀

聚氏與劉氏論春秋書及呂氏謂春秋不以日月名稱

為寢貶之說實發前人之所未發而趙氏春秋集

傳序例及春秋屬辭序例策書之例十有五筆削之義  
八其論頗詳使得見其書或可剖疑釋滯而惜乎俱未  
之見也因文辨疑悉本自然破一切支離之說而聖人經  
世大旨未嘗不寓乎其間此真足為讀春秋者開一法  
門也蓋屬辭比事本春秋之教近代諸儒所發明日就  
遠乎人情學者庶可從是而窺聖人之用心也公以忤  
璫退閒家居之日多著述甚當此特其一藝耳敬梓之  
以俟世之有同好者同校訂者公四世孫祥上治也

邵輔忠易解浙志嘉靖定海志

邵輔明春秋內外傳合編乾隆志傳

陳應璠四書約旨乾隆志傳作應寶

薛士珩春秋書法乾隆志傳蛟川書舊詩

左鈔乾隆志傳蛟川書舊詩

周西春秋傳注陳志全祖望曰先生於諸經最得意者莫如春秋其自序言不佞垂老忽若於

春秋大有所得覺唐宋明諸儒之說皆未合聖人之旨  
尚在夢寐中今日而曉然顧其書已成四十二卷而定  
哀二公未畢臨沒尚以爲恨今宵歸  
亡是公之手是則可爲痛哭者也

華夏四書解案解凡三十七篇  
卽在過宜言中

國朝

虞二球四書解義謝兆昌撰墓志公嘗手集四書解義雖  
雜採羣說必折衷於朱子或問以探淵

源

曹象賢尙書纂要陳志

張昇周易參解陳志

曹鏗尙書講義陳志

音韻辨微陳志

莊上駟四書講義陳志

陳夢蓮春秋定論

乾隆志 蛟川備志 自序曰凡經皆

圖畫卦非幾皇之史乎典謨誓誥非帝王之史乎王制  
月令史昭五代國風雅頌史兼列國固不專屬春秋也  
易以春秋作而謂之魯史孫泰山曰詩至黍離而降書  
至文侯之命而絕春秋接尚書之年起自平王匹夫無  
賞罰之權託始乎隱於以正三綱而明九法也然猶未  
悉孔子之權隱也孔子志周公者也周而明九法也然  
行政半平定於周公其半天意留待治於孔子故自武  
王已卯克商迄魯隱元年已未實閱四百有一年而兼  
有周而以王者之權治之孔子不實閱四百有一年而兼  
行三王之事孔子以匹夫而操行素王之政何以必自  
國百一年為始哉繼周公而託始乎隱帝王之政何以必  
故史繫魯是即繫周嗣後朱子綱目直接其統是書也  
實開千萬世史學之宗其較他經之正人心世道者尤  
切實哉後之傳春秋者各宗其派公羊有胡董顏嚴之  
學穀梁有章方申尹之學左氏有賈鄭劉杜之學分門  
立戶尊傳而失經康侯作傳合三傳以定斷案洵得素  
王之心傳有明成祖尤尊胡傳集諸解以釐大其旨  
在翼傳明經目張綱舉史外傳心之要典亦猶日月經  
天江河行地矣迄今春秋凡三變漢唐派分三傳而經  
背朱朝斷爛朝報而經亡明代青川設為脫母傳合而



之益乖夫脫母趾覆引傳捏經卒至附經解傳割製捏  
合離經旨而畔傳注上以取士下以專攻致使等  
於高閣並胡傳為敕閣康侯而在當日擊而痛絕之  
聖朝崇尚正學削去脫母傳合而大經昭如日星夫  
經者必參稽諸傳而後知本傳發明之意亦必精研  
傳而後識聖經一字有一字之旨故經之有傳猶網  
有目也而傳之有大全亦傳中之旨庶有目也當日  
解傳自當以胡傳為網諸傳為目庶平康侯傳不傳  
心法始可洞悉今雖有衡庫定旨大成諸書行世皆  
解題而不可解傳無怪乎文定之精意大失也雖然  
一書理豈微渺哉王治天下之精意大失也雖然春  
公好惡則合乎詩酌古今則該乎書著變通則盡乎  
興常典本忠恕則體乎禮與樂豈惟繼周公治八百  
之天下直謂治千萬世不易之天下而可無一定之  
以簡發素王之權書與康侯之傳注也乎余少癖左  
春秋既而得胡傳旨於中州任美君武林姚期兩先  
生甲午蘭閣前偕東甌少韓項子武林子四汪子山  
只單子蘭溪望子徐子訂義西湖質疑考異大有碑  
歸而斷微究奧於大全諸書而纂輯之志益切於是  
古今往疏畧短去長變繁就簡去異證同其微義載  
凡例而大旨一於傳內標出未附以臆見至王寅歲  
書成題曰省庵定論亦曰變而得其正而其說歸於大

定云爾

三傳箋注

乾隆志

薛士學春秋辨疑

宋訪

謝緒恆春秋集說書嚴集蛟川詩話史夔序曰治經  
則用斷例成文一字一句不可添設故治春秋者視他  
經為較難文中子曰春秋者輕重之權衡曲直之繩墨  
也伊川曰五經之有春秋猶法律之有斷例也其為法  
度至嚴而不可以稍為移易矣故讀春秋者不可以不熟  
傳讀傳者不可以不稍為移易矣故讀春秋者不可以不熟  
說於聖人當日深衷不啻有毫釐千里之謬然則傳固  
不可不盡讀乎曰非也治經者其用功有博有約參酌  
乎先儒之說泛濫乎三傳之義言必求其備文必覽其  
全所謂博取之而廣其義也探源說之菁華歸經文之  
要旨義舉而不病於支離詞訓而不傷於瑣漏所謂約  
求之以得其當也雖然徒約者不可以為博而惟博者  
然後能約也豈易言哉謝子祠所輯春秋集說則真所  
謂能約者也其辨理也精其體傳也密其選題也博而  
不繁約而能富使讀之者一覽瞭如如人大官之府海

錯山珍靡不畢具於以羽翼經傳嘉惠求學所裨豈淺鮮哉或曰是編成天下之習春秋者視他經為易矣而不知所以成此者非易也謝子為其難天下為其易不亦可乎故喜而為之序 群士學序略子朔取諸家之說採其用意之精者彙而成編

朱文懋易纂

乾隆志傳

先後天圖說

乾隆志傳

武緒覃四書講義

陳志

張懋建易學四卷

蛟川詩話

兩浙輶軒錄

錢陳羣序

精微秦漢以後言易者大都淫於象數之末流而離其宗惟王弼能破諸家之陋而專於言理然弼所得者老莊之理不盡合於聖道至宋周程張邵遞有闡發而程子主言理邵子主言數顧易之為書實根於象數而非他書專言義理者比故朱子本義實參程邵兩家以成之後之學者折衷於朱子足矣自是而後歷宋元明以至我

朝諸儒言象數言義理紛紛不一然好矜奇僻或流入

迂濶其於潔靜精微之本旨罕有當焉我  
聖祖仁皇帝特命儒臣纂修周易以朱子為宗而折諸  
儒之中廣大悉備之道於是大明如日月之經天如江  
河之行地學者幸際休明家絃戶誦宜乎好學深思之  
士觀象玩辭觀變玩占悅諸心研諸慮而思有以闡述  
而表章也鎮海張子介石沈潛力學於易道尤邃所著  
易象陰陽說縱橫貫穿根極義理兼通象數有以闡明  
朱子之蘊而兼取乎程與邵之長使由是推而極之所  
謂致廣大盡精微者在是矣爰讀而為之跋

五經彙纂十二卷

蛟川詩話 輯  
軒錄作八卷

陳良佐春秋三傳評註

陳志 纂

王世勳尙書發微

袁鈞 撰傳

左氏傳補註

袁鈞 撰傳

毛氏正韻

袁鈞撰傳 案世勳  
又有毛詩小序辨正

胡于錠禹貢地理參考

蛟川續  
舊詩

謝佑琦檀弓評註蛟川續  
者舊詩

張校均儀禮圖說十七卷子錫路  
撰行狀

禘祫圖說二卷狀行

井田圖說四卷狀行

車制圖說一卷狀行

樂律圖說二卷狀行

朱滄龍詩國風考正二卷朱訪  
冊

春秋考正朱訪冊  
自序略子少治春秋嘗會萃諸家  
諸儒春秋經說其中高安朱氏桐城方氏最為明哲始  
知讀經當尋求大義不在成說自錮也歷今二十餘年  
參考羣言頗有所得錄而  
存之以俟就正有道云

樂涵易門十二卷刊本  
自序略涵自束髮受書先君子  
命讀周易及長稍通文義借以潤色



欽定彙纂

御纂折中三書如日中天寰宇洞曠本諸毛鄭以溯其源考之朱傳以析其理參之眾說以會其同擇善而從以求其是二說並通則兼存其義羣言相雜則衷之於古於是海內人士咸知講求實學傳習訓詁鴻儒鉅生後先相望蓋三百之教於斯為盛矣丙子春莫試士甯波鎮海劉生燦以所著嚴氏詩輯補義請正予觀其書采取儒先間下已意條例與嚴氏同而標準古序貶簡異義訂正僞外補缺略校之嚴氏同而標準古序貶簡其書本之方氏補正然方氏之學考古雖博而參校尙疎研理雖精而自信太勇篇中引用其說持擇特慎其宅所采諸家之言雖未必盡合詩人之旨而大者綱紀人倫推究治忽小言訂正訓義釐核名物不疏於吟不膠於固於以津逮後學闡釋道真其始呂氏讀詩記藏氏續讀詩記之流矣予嘉其用心之勤為書數語歸之還以質之於生生其以為可與言詩否也

詩古音考

黃式三撰傳

三傳異同考

采訪冊

四書求是

采訪冊  
舊詩作四書答問  
蛟川續著

續廣雅二卷

刊本

案上卷曰釋詁釋言釋訓釋義釋

釋天釋地釋

釋物釋

釋人釋

釋事釋

釋

釋水釋草釋木

釋蟲釋魚釋鳥

釋獸釋畜

釋

釋

釋

釋

釋

釋

釋

曰文字之學有三

其一

體制

其二

訓詁

其三

音韻

體制

訓詁

音韻

音韻諸書許氏說文沈氏四聲譜之類

尚矣

訓詁

則莫古於爾雅

爾雅

首釋

詁訓

其餘

則雜

陳名物然

釋名物即釋其所以命名之意

故訓

可以

訓詁

該之

世傳

釋

詁

訓

詁

作之

人不

實

聖

經

之

支

流

也

嗣

熙著釋名魏張揖著廣雅宋陸佃著埤雅羅願著爾雅

翼明

朱謀

堉著

駢雅

我

朝

杭

世

駿

起其問或純或駁體例各殊要為訓詁則一足與爾雅

並傳

蓋天

地

間

稱

謂

日出

有

今

俗互異研之愈精推之愈廣非一言一辭之所能竟後

之人

能

引

而

仲

之

觸

類

而

委以補前人之闕固不得推委於古

今

人

不

相

及

也

鎮

海

劉

論簡要非精於訓詁家者不能

昔

人

謂

爾

雅

所

解

雜

出

子書不專釋經而釋經為多

故

得

與

十

三

經

之

數

欲

古書者舍爾雅無由入

子

謂

劉

生

之

書

名

續

廣

不敢上擬爾雅然明於古義深於物理能發前人所未

不

敢

上

擬

爾

雅

然

明

於

古

義

深

於

物

理

能

發

前

人

所未

不

敢

上

擬

爾

雅

然

明

於



發則亦爾雅之津梁欲講爾雅者應舍續廣雅無由入也  
或以示余余受而讀之以爲此書搜其所未見者及儒先遺  
訓補前人所未備實足爲爾雅之續非但續其雅已也  
天下之理無窮書所載不一聖人就所見而論止爲書  
不必取備誠有待於後人之續之就爾雅而論止爲書  
二篇周公作其餘皆續也而續之未盡前此有張揖之  
廣雅劉君復有此書其名續廣雅明與揖同志均之謂  
爾雅功臣也爾雅有郭璞李巡注廣雅又得曹憲注而  
顯劉君書尙無注覽者或未曉所出雖然京師大矣博  
聞之士多聚其中此行必有遇且君之書卜之焉  
爲之作鄭箋者不患其不傳卽以君之書卜之焉  
支雅二卷刊本案上卷曰釋詞釋人釋官釋學釋禮  
序曰昔人謂爾雅之書博洽雅馴爲輔成詩道而作者  
也嘉門劉君星若嘗輯嚴氏詩輯補義一書矣以其緒  
餘爲續廣雅又爲支雅蓋皆自其讀書有得中來也友  
雅目僅十篇其命名之意以爲此亦雅之支流也釋禮  
乃陳徵君仲魚作釋舟釋歲見卷施閣集釋人見問字  
堂集釋車則本車制圖解而衍之此五篇者皆當世名  
人撰述字字典核洵足與雅訓並垂不朽餘悉劉君所  
自編輯而釋物一篇極詳尤能贖人見聞益人神智殆

不獨學者樂觀之也余謂詩賦補義及續廣雅業已板行於世合并此付梓為學者娛悅性情之助乎劉君以為然即丐余序因書此以弁其首

經解十卷

宋訪冊

經義雜錄二卷

宋訪冊

楊夏復周易集說二十卷

宋訪冊

沈兆霖序略是編於注易諸家有可採擷者無不披

輯餘貫可謂擇之精而語之詳矣

姚燮胡氏禹貢錐指勘補十二卷

大梅山館藏本

夏小正求是四卷

藏本

四子書瑣義一卷

藏本

史

宋

王宗道淮鹽論二卷向友

黃震古今紀要十九卷 宋志 百川書志 汪佩鏞序曰余既

敬承庭訓鐫黃氏日鈔將藏事復搜插架得紀要十九卷上自左國下訖北宋或採其粹語或撮其綱領時代後先人物本末博綜條貫細大不相間附折衷之論簡約詳明蓋讀史而備遺忘取韓子語而名之也其經緯史衣被來學實與日鈔一書相輔而行惟是元版久失傳本無多密字雙行模糊尤甚爰率子姪輩緝閱諸史詳加是正以備家塾省覽而坊人固請梓行因思聖朝稽古右文敦崇實學淹雅之士靡不欲網羅舊聞搜採逸典而是書如珠含玉韻罕而獨珍懸購既艱胥鈔不易余敢以其所藏而矜為枕中鴻秘乎迺鳩工鏤板凡再閱寒暑而成然後黃氏日鈔一書復成全璧提要曰是書撮舉諸史括其綱要上自三皇下迄哲宗元符每載一帝之事則以一帝之臣附之其僭竊割據亦隨時附見詞約事該頗有條貫非曾先之十八史略之類粗具梗概傷於疏陋者比所敘前代諸臣各分品目惟北宋諸臣事迹較歷代稍詳而無忠佞標題蓋不敢論定之意也朱子作通鑑綱目始遵習鑿齒漢晉春秋之例魏帝蜀同時張斌作經世紀年譜常作續後

漢書持論並同震傳朱子之學故是書亦用綱目之例  
其謂論昭烈者每以族屬疏遠爲疑使昭烈果非漢子  
孫曹操蓋世姦豪豈不能聲罪而誅其僞今反去之千  
百載下而創疑其譜牒即其所發明可謂簡而盡矣  
古今紀要逸編一卷知不足齋叢書鄭真識曰案東  
李公心傳繫年錄與朝野雜記理度兩朝則公在史館  
多得於見聞者文約事詳亦可謂良史矣夫理宗以支  
庶入繼大統四十餘年君子小人更進迭用治亂消長  
固可爲當時之一職矣至於度宗十年之政一則賈氏  
二則賈氏在朝之臣無有以國事爲言者襄陽被圍久  
弗克救北兵駭駭近在江左帝也迄罔聞知焉使宮車  
宴駕少忍須臾其不牽羊肉租爲燕薊之俘因耶何至  
於孤兒寡婦而始嬰其禍哉公之作此書至賈氏既敗  
而終其憂深思遠可謂至矣故其論宰相臺諫邊圉之  
非人所以致強敵之患陵者尤拳拳焉夫公在咸淳德  
祐之際其所以致強敵之患如此今之士大夫處於至正之朝  
者其所見所聞當有甚焉想夫社稷之亡山河之易未  
及百年殆無有今昔之異者遺民之痛其不至於慟哭  
而流涕者乎昔孔子作春秋昭定哀之間多特筆公於  
理度兩朝其致意於世道之終也深矣斯其善學春秋  
者哉因取而著之於此以爲亡國之鑒而其餘有不能

盡錄也

戊辰修史十三傳一卷

宋藝文志補元賞齋書目

絳雲樓書目陳自舜議曰東

來

發行天下矣其古今紀要起自三皇至宋神宗止凡十

九卷葉文莊云古今紀要十九卷當與曾先之史略並

傳是文莊之所見者亦止神宗也及見邵宏齋宏簡錄

序黃震之修齊理二朝紀多散佚不傳文獻無徵後之

作者有其志而不逮悲夫悲夫又知日鈔之紀要不止

於神宗宏齋亦付之無可如何矣先大夫留心史志蒐

購遺書鈔得鄭干之所輯四明文獻內有東發兩朝紀

要余閱見狂喜天下固有湮沒數百年而一旦復出者

乎非有鄭榮陽之稽古采輯先大夫之好學廣搜則此

卷亦終於銷滅矣獨是神宗以後尚有徽欽高孝光寧

六朝不知榮陽何以弗錄豈東發所紀原闕是六朝乎

抑紀之而散佚即榮陽亦未得見乎是未可知也願即

此卷而談信耳信目多足補宋史之闕文真赤水之遺

珠也安可使其已獲而再墜乎此後學之責也因付梓

人所公諸海宇全祖望跋曰是書乃其為史館檢閱時

所作列傳一杜範一眞德秀一洪咨夔一袁甫一徐元

杰一李心傳凡六篇疑即日鈔中所關二卷是也先生

所極稱者杜丞相其於眞文忠公傳謂晚節阿附鄭清  
之大微詞與理度二朝政要所言互相證明政要最  
推袁正肅公而傳中稱不滿其論學今宋史眞文忠公  
傳頗采公文以爲藍本世有能重難日鈔者當以此彙  
及理度二朝  
政要附之

明

豐慶編豐清敏遺事附錄一卷

浙江書錄

自序曰遠祖

章貢李朴所錄紫陽朱夫子爲之後序先君子典教維  
揚時嘗筆於家譜中正統乙丑慶丁內艱還鄧謁宗人  
彥公於上虞復得刻本其辭與先君所錄者同但篇中  
章惇惇字不書以御名二字注之避光宗廟諱也豈刻  
於其時耶卷尾朱書歲在庚午仲春重輯而表襮皆洪  
武中廢簡則輯於國朝洪武廿三年也嗚呼先公以聖  
賢之學直諫之節進與時忤卒老請所志墓者既不敢  
述其詳作史者又不及竟其實鄉無此編則其正言議  
論豐功偉烈千百載下不幾泯乎此上世之所梓行先  
君之所重錄蓋非直不忘先德實欲後人溯流求源範  
文獻而廣孝敬也謹加校定重壽諸梓若其門人陳忠  
肅公所敘次及當時衰謚綸諸宋史列傳皆仍其舊題

爲附錄復蒐輯公所遺著作并南豐曾先生所贈歌行  
袁學士所撰祠堂記併附於後藏諸家塾庶幾成先君  
之志尙俟徵文獻者有  
所觀覽云景泰六年

夏時正太常志十卷

明志 干  
頃堂書目

杭州府志六十四卷

明志 浙志 續通志藝文略  
聚樂堂藝文志作六十三卷

干

頃堂書目云  
成化十年修

先賢祠錄

浙志云有成化戊戌胡榮序 干頃堂書目  
作旌德先賢祠錄 案三續百川學海有辨

錄

辭俊日本考略一卷

浙江采集書錄 四庫存目 提要  
日嘉靖二年日本國使宗設來貢抵

甯波未幾宋素卿等亦至互爭真僞自相殘殺所過州  
縣大肆焚掠浙江濱海之地人民苦之俊因纂輯是書

大略言防禦之事爲多  
而國土風俗亦類入焉

辭三才疏彙十四卷

辭文介集 弟三省序曰此家司馬  
公所遺彙家姪士珩從笥中搜輯而

錢以傳者也。凡士人惟無所立以爲可傳耳。有之而其  
所居地又足藉以傳於世。其有藏焉者乎。推斯志也。雖  
謂與焚草者同隱。忠可也。余受而讀之。其論事之疏情  
而覈彈劾之疏正。而平條畫之疏大。而中諫諍之疏切  
而巽封駁之疏明。而法讀其疏。蓋可以知公之爲人。然  
其當日所爲。孜孜盡忠。而不以官與名參念者。又非疏  
所能盡也。方李給諫杖削時。公疏救。謂諫官賞使言何  
可使以言獲罪。非所以開言路。北海馮文敏公聞而過  
公。謂公上怒且不可測。姑俟少霽。若急上者。徒取震躬無  
益。李生或更重之耳。蓋時每有救者。急上者。徒取震躬無  
云。公曰。若是。是某徒取救名。失本意。且拯溺安能虞自  
及其終不令李給事獨去也。疏立上。亦中格。及在禮垣  
楚藩。以貢鮮不稱旨。左使鐫三級。餘與名者皆罰治公  
疏言。楚藩先如期稱貢。而後奉旨。非抗且明。主不當以  
口實罪藩。臣疏入。同官皆爲公危。幸徵上恩。僅鐫俸一  
年。然初旨不第此。蓋疏端殊塗。數字而後更此也。人但  
知公爲諫官。清執不阿。不知其彊遂蓋如此。又嘗夜草  
疏論一邊將忽觸寒就卧。棄猶伸几上。及旦。同官相過  
門者。辭同官訶。謂母給我昨薄暮。猶共啣危。何病爲。乃  
直入據牀笑。且問病狀。願視所草。復笑爲當以此倦。非  
病也。遂去。過要人問邊事。因泄語。而要人則謂撫按尙  
無言。或風聞非實事也。公是日竟以病不能拜疏。要人



誤謂公或聞所語及撫按疏至以書來趣公疏公  
此一事耳按疏足公案某不復添蛇足矣蓋公  
不當昧聲通取輕事有罔大利害者不當連督  
每以此自持實無意故相忤而要人則大自恚  
會謝去得無及後又嘗草疏且上亦適少劇以須  
而同官疏已出遂削其草蓋公好直諫而又不  
沽直率如此讀公遺疏者併徵公遺事可以知公  
錢者凡如干首其督撫及協理所薦劾疏尙如干  
不載蓋錢所劾嫌揚人過而所薦人材今多當塗  
登壇者以子弟錄此又嫌攀附且以成公當日薦  
不欲其人知之云案謝泰宗撰傳有九邊要略

### 辭三省神宗實錄

國史大臣傳方象瑛曰三省以神宗

守易懈而史氏纂注遂成率略年少則政蹟易湮雖朝  
章要務亦多遺忘自非廣詢博采未免疎漏至纂修凡  
例尤史氏要義此義不立則編摩無法詳略任意乃手  
創實錄總例曰帝贊曰臣傳曰提綱曰事論曰摘要曰  
存疑條凡六實錄分例曰大書曰彙書曰特書曰常書  
曰類書曰別書曰最書曰參書曰備書曰權書曰直書  
曰約書曰原書曰及書曰略書曰不書曰凡書曰附書  
條凡十有八請敕內閣檢點編纂其不及注起居與南

都鈔錄所進或疏畱中而副在閣者悉發史館各部寺院監據款查輯備六朝簡編之缺從之

華顏疏稟

華夏撰傳

李釜兩浙戰船則例

浙志釜官備倭都指揮

邵輔忠奏疏四卷

采訪冊

舟山志四卷

浙志千頃堂書目

補陀山志八卷

蛟川詩話

謝表宗二十一史要箋釋

乾隆志

綱鑑類鈔四十卷

乾隆志

自編年譜一卷

子得昌撰行狀

汗漫遊五卷

乾隆志

辭士所史鈔

乾隆志傳蛟川耆舊詩

明文獻考十卷 乾隆志無卷目

對簿錄 句餘土音 全祖望曰賦力獄中自著對簿錄敘蒙難事甚詳

北光芝史評 鮑琦亭集 案史評凡十六篇

國朝

虞二球玉堂綱鑑 刊本 謝兆昌撰墓志公為令時期會

等又備觀諸史以證其遺旨丹黃鉤貫年經月緯政因事革皆有標目既成帙則取福唐舊本喜其與己意所

去畱適相合遂自序其簡首刻之金陵

任德敏漳州府志 謝景昌撰傳

撫苗條議 乾隆志傳 謝景昌撰傳作撫登議

沈之初編仰止錄 采訪冊 案之初為端憲裔孫以端憲遺文散佚搜輯當時制敕銘狀祭文及

史傳祠記論贊集為一編而以袁正獻所撰言行編附焉前有萬歷乙未識語

藝文 七

謝泰定蛟川形勝賦一卷

乾隆志

謝泰交舟山防守議一卷

高孫藏本 案順治十三年十一月舟山平議徙其民於內地

督府檄下郡縣問諸生父老舟山應守與否泰交因作  
防守議一篇極言舟山之不可棄邑令朱承命即據泰  
交所議上郡守郡守仍諭邑令給圖貼說以進泰交代  
邑令作覆議一篇并繪舟山要害及圖說三則未有泰  
交自記子允昌跋語據跋語順治十六年付梓今所見  
係抄本子允昌跋曰凡人處一事必有先見之哲而  
後其言爲可用於事始有濟況處人家國間乎今順治  
己亥夏五月定邑之南鄉鄞之東鄉皆被寇擾秋中海  
氛復犯江南吳楚之疆賊備至允昌因念丙申之冬  
大師克舟山議將廢其地遷其民部憲行縣詢應棄與  
否狀當時縉紳父老非不知地之爲不可棄而莫敢發  
一言者先君適自部門歸氣然焉邑令立草條議縣得  
據之詳憲一申一覆遂至欽命而徙民廢地之令已下  
使前後兩議得呈諸當事未必不如所請而惜乎其無  
及也議中所陳若於今日有不幸而言中者使先君而  
存得稍展其夙抱其爲籌策諒非無裨而今身既歿矣  
嗚呼紙上之言何足述哉雖然徒其民者當時權宜之  
計而終當守其地者封疆久遠之圖也允昌於是梓之

以實諸留心當世之務者順治十六年

歸昌史鈔陳志

宋鑑鈔書嚴集辭士學序略是書紀宋朝二百二十

列吾目中但能誦讀而求之賢之昔賢而不謬施之當世而有用斯可稱國器矣

盧宜鎮邑志略二卷三補者舊詩

黔行紀程十卷三補者舊詩

續表忠記八卷浙志經樓書目抱

二續表忠記八卷抱經樓書目浙志二續作再續

輔千秋之信史而發潛德之幽光其君子著書立說將以

偶然之故哉第純忠大節每孤行一意何嘗計及身外

之浮名使非論其世知其入會萃而表彰之則湮沒不

傳與衰草寒煙同盡者抑亦多矣余友盧公弼先生自

摩及宦黔中蒞任甫十日輒賦遂初歸而益加采輯閱  
歷歲時已踰三十年以余雖僊仰林泉曾諸習開寶遺  
事時諮詢及之其徵文徵事可謂實其腹而虛其心矣  
於是倣嘉善錢塞菴相國國表忠記義例纂爲續記  
敘事典嚴而敷詞又復高而猶余每讀一過深切服膺曾  
弁引其端謂可公之同好而猶不自滿假挾其草本赴  
長安就正於宿儒魁艾遇寄園主人出其所藏書是正之  
且捐清俸先刻初集於京師業爲名公鉅卿所賞識家  
有其書矣已卯冬臘南旋取篋中所存者再刻八卷  
以問世名曰二續表忠記內有三續四續隨擬梓行先  
生之用心亦專且篤矣夫書述之家先後林立學必期  
博而後研研今古非管窺測也識必期卓而後去取  
精嚴非言肆訕也筆必期古而後波瀾老成非蓬蓬  
勃勃同於白蒿黃茅也先原兼擅三長而又考之必確  
無之必詳令人一展卷而原委委是是非非不啻燭  
照而數計焉光既發信史咸資其矢公矢慎之心可  
以對天地可以質鬼神可以上參往古而脗合乎百世  
以下此心此理之同是記者人人自有巨眼若謂予  
之阿其所好也必不然矣毛奇齡撰墓志曰生平諳  
國史并多識明代事既以策對明史起家而究不得入  
史館以史經抱快快乃就嘉善錢塞菴所作表忠記而  
爲之續之編搜明代名臣諸列傳取其有預於致身者

或生或死或分或合既勿誣而又勿軼鉅節不得遺而  
纖細畢備初成八卷名續表忠記刻之寄園既而再續  
復得八卷刻之江右藩轄署中假予爲序  
言乃更以搜討餘力遂成三續未刻而卒

曹象賢戰國策注釋

陳志

陳夢蓮鎮海縣志

乾隆志

謝兆昌序曰吾邑志書自嘉

年更無人補續然東沙所修實亦簡略不備蓋因鄞邑  
而并及他邑故鄞邑獨詳而他邑皆略其間未有尤簡  
略如吾邑者也余自解組後常留心於此因循數年未  
及草創心甚歉然後聞有陳仙佩者業已成書余卽叩  
其門索觀之見其考訂詳明歷歷有據并能補從前之  
所未備爲之擊節稱快蓋此事本屬吾輩之責而仙佩  
以一書生不憚殫畢生之精力廣詢博訪經數十年而  
克有成書豈惟吾邑之光實亦  
國家文獻所攸賴也余爲告諸當事亦有樂捐資以開  
局者而卒以內召不果甚矣吾輩與當事不得辭其咎  
耳憶少時在郡見沈太史蛟門公手抄所著文集有定  
海修葺學宮一記內云吾鄞從無獲雋狀頭者而定海  
願得兩人意欲手錄其文忽爲其人持去後追索之不  
可得此記學宮應有石刻今無從尋覓姑記於此仙佩

有聲場屋與余家昆從交最久余特序其事於卷首  
使歸而謹藏之以俟世之採風問俗者康熙辛卯

謝允昌蛟川續志

案蛟川詩話嘗引是書

張懋建長泰縣志十二卷

子志熊撰行狀十五年修

自序曰長泰自南

唐置邑舊隸泉厯宋始屬漳為漳州府屬朱子記漳州  
職官有云太平興國五年又割泉之長泰以屬焉是長  
泰之稱引於先賢名綦重矣歲戊辰余以國子教官來  
知縣事乃得朱子行縣仰止亭遺迹於戲長泰何幸而  
得為朱子過化之地吏茲土者又何幸而得親炙朱子  
之化乎顧竊自惟知一邑事先在知一邑之利若何可  
興知一邑之弊若何可革而思以覽風俗之清濁察水  
利之蓄洩覈戶口財賦之哀益溯禮樂刑政之張弛苟  
非徵文考獻因地制宜又何由善其經理節宣之用耶  
迺於退食之暇翻閱舊帙則丁卯邑令王君同葉紳所  
修也撮抄冗濫未為完書亟為講求先世遺編得明萬  
厯間管侯舊本頗稱美善足貽法戒而百餘年來風氣  
遞新政教不無互異則此日邑志之修容可或緩哉夫  
志曷以稱尚書序以志謂邱以邱釋聚言其土地所生  
風氣所宜皆聚此書而漢書且以邱釋聚言其土地所  
刊石之遐貫後之讀者即於此徵政治得失焉所係則



甚矣脫其簡而未該繁而鮮當或考據莫合於史傳綱  
紀未準夫經制皆非所以昭往軌示來轍也今於萬歷  
乙巳以前悉準諸管志而於管後之葉志則稍訂其繁  
譌又或因事涉歷村莊杏訪士俗探勝索幽凡盤山複  
嶺峻谷紆原凹凸差義可喜可愕之地靡不周歷而其  
間殘碑斷碣金石之遺文有足以備稽覈資鑑戒者亦  
靡弗搜覽用是攜拾記注復爲訂疑而備缺若規制戶  
賦兵防人物皆按諸何喬遠閩書證之府志及他簡牘  
而增修之雖不敢自信一無遺議而集思廣益可告無  
過庚午春聘平邑賴太史邑耆宿楊君總其成而令諸  
紳士廣收博采鉤纂其條件踰十月而告成爲帙一十  
有二合衆君子之力褒然成替較之丁卯舊志則稍詳  
且慎焉念吾民世享

國家昇平之澤文物禮樂日新月異蒸蒸向化自是以  
往士服詩書敦孝弟敦閭巷以法守先型農勸力而樸  
於野女重工慈益相砥礪以觀厥成而後之君子亦得  
流覽是編以希蹤朱子化民成俗之遺規夫不於茲有厚望歟

邑志正訛二卷

蛟川詩話 乾隆志無卷目 輯軒錄

候濤山志四卷

蛟川詩話 乾隆志無卷目

學校祀典考一卷

蛟川詩話是書附介石初集中華軒錄作四卷

張懋延東海舊聞

蛟川詩話一冊而余亦著有東海舊聞明季蛟川獻徵錄梓里見聞錄蛟川人物志附以補曹志之闕漏正曹志之外訛云

明季蛟川獻徵錄

蛟川詩話李昌昱撰傳作明季一名甬東還獻徵

蛟川人物志

李昌昱撰傳

梓里見聞錄

蛟川詩話

陳景沛鎮海縣志彙

二十二卷采訪冊

蛟川備志五十卷

采訪冊一名蛟川文獻草創陳焯序曰鎮海本為定海於古號蛟川

蓋扶輿磅礴清淑之氣

匪為浩漫靈怪恍惚之區數百年來必有奇人魁士篤生其間立德立功立言以傳之

不朽者茲於宗人巾山

文學所作而見之巾山為前明勳衛世家著笏代傳及我

朝定鼎而失其官時則以

文學著者有省菴先生諱夢蓮其高祖也嘗修葺邑志已有完書乾隆十七年邑令

王公修志悉本之吾邑文獻有徵實為首功顧新舊二志如宋之乾道開經實開慶二志元之延祐至正二志亦克全見因不免於闕說今中山於藏書家各得古本彙輯成帙復蒐宋元以下諸名家詩文全集并旁見備出者採錄以補其闕而證其說事緩而文增一日出以示余余曰此異日蛟川修志必備之書也石可謂善繼先志矣夫志者記也記其事也當修志開局定以瑣瑣限迫於告成自沿革送人物藝文逸事雖有分隸瑣瑣諸人未必竭一時之見聞萃古今之美備是在繼志修志而心文獻者積有成聚以供其纂修班孟堅有言有因而成易無因而成難巾山之作所繫非淺鮮矣且繼先志孝也備采擇義也重桑梓敬也傳示後來信也兼此四善吾新川氏族同有先焉遂為之序而以蛟川備志弁其首

蛟川備志舉要

采訪冊

案景沛

刪節

蛟川備志

名備

江文通有云修史之難無出於志誠以志者憲章所係非老於典故不能為耳吾邑志書修於乾隆十七年一本明嘉靖間舊志而增益之而於乾道寶慶間變延祐至正諸志未見徵引說不確諸古籍欲免訛謬簡陋之弊難矣吾友巾山陳君潛心嗜古且館於鄞之抱經樓得盡窺藏書取其言之有關桑梓堪為憲章者手抄五

十卷訂訛補缺洵足稱為蛟川備志今年冬節錄要領  
 以示余方謀北轍以未遑節視全帙為憾而覽其節  
 要如獲珠璣竊以士不讀無益之書而書之有裨於世  
 者孰有逾於志乘耶志不載無稽之說而說之遠證諸  
 古者孰有逾於志是編耶爰出資屬諸君小崧先為付梓  
 俾後之續修邑志者備參考免訛誤焉博采之功誰與  
 任此且巾山仍即志者備參考免訛誤焉博采之功誰與  
 舊史區區一邑之志又烏作繁其信好哉至於字省文  
 略或疑如新唐書之繁而不明歟  
 補志具在也倘侯小崧之贊成云

四明紀異四卷 采訪

招寶山志二卷 刊本 案是舊志景祐遺槧鄞人周道  
 遵修葺而付之梓情有鹿澤長王不顯

序二

張校均輿地圖說十二卷 子錫銘  
 撰行狀

劉燦史記校誤 采訪

水經注刊誤 黃式三  
 撰傳

謝錚賢通鑑揭要十卷

復莊文  
權二編

姚燮四明它山圖經十二卷

大梅山  
館藏本

漢書日札四卷

大梅山  
館藏本

附錄

宋

袁燮定川言行編

宋元  
學案

明

鄭餘慶定海縣志

乾隆志正  
德間修

李怡定海衛志

張文定集  
張那奇序曰天下郡邑皆有  
志而武衛多附見其事恒略  
禹貢揆文教

奮武衛二者常並舉而後世  
衛無專志予戰之於篇軼  
其事固不相兼乎夫將謀為  
先勇次之武而不文不足  
以言武矣東海之壤境焉孤  
絕於大洋之上日本琉球  
之所出入傍海百粵草寇之  
所窺伺故我國家之有定

海衛也通遠之咽喉也屏內之關鍵也一日弗戒謂之慢藏李侯怡家世名將適者視篆數年宿弊既釐蔡節以明公餘悉搜遺文博咨故老為儒志若干卷山川形勢城池臺墩戎資戰艦肄練之方事者之名蹟粲然可稽足以資謀畫昭勸戒懿哉侯之用心所謂勇謀兼者非耶昔吳起為將或進之劍起曰夫將運籌設策用之方寸而決勝千里劍奚為哉御前受夫劍之不足恃也起猶知之況不為吳起者乎是故天下無無文之武無文之武一夫力也君子弗用也是故審形勢則知所審矣矣審資械則知所運量矣審方略則知所合變矣審勸戒則知所從違矣夫志文之紀也文謀之資也謀勇之方也善用武者先文焉故志之不可以已也

張時徹定海縣志目浙志天一閣書目

梁文定海備倭繫紀略浙志梁文官遊擊要

無名氏靈峯志三卷靈峯山志理通嘗念靈峯古剎苦無志乘適鄞邑衲子有自茅山來者談

及往年曾瞻靈峯志一部卷分三帙屠公赤水序其端凡詩賦碑記暨列朝緣起班班可考云

許成章條議錄辭文介集三省序略許侯自太平以才調吾邑當賢令相繼之後邑有成緒侯第

規前以爲師未嘗有所改絃易轍以見長卽邑人荷  
一之賜者亦第從其政之清靜以比於齊相之無後  
城之不煩使非哀先後條議併讀之夫安知  
其盡心爲百姓擘畫利害以垂久遠如此

龔彝德政錄

辭文  
介集

子

漢

任奕任子十卷

意林

宋

王宗道觀頤悟言一卷

嘉靖志  
頃堂書目

雜錄二卷

浙志  
續通志

聞見因革一卷

浙志  
續通志

黃震黃氏日鈔一百卷

宋志補  
浙志  
嘉靖志  
焦氏  
經籍志  
徐興公書目  
李滄葦書目

絳雲樓書目作九十七卷述古堂書目作九十七卷四庫書目作九十五卷提要曰是書本九十七卷凡讀經者三十卷讀史者五卷讀雜史讀諸子者一卷讀諸儒書者十三卷讀計六十八卷皆論古人其六十九卷以下凡奏劄申明公移講義策問書記序跋啓祝文祭文行狀墓志著錄者計二十九卷原本附錄其存者實九十五卷也震與楊簡同鄉里簡爲陸氏學震則自爲朱氏學不相附和是編以所讀諸書隨筆劄記而斷以己意有僅摘切要數語者有不摘一語而但存標目者併有不存標目而采錄兩字者大旨於學問排佛老由陸九淵張九成以上高楊時謝良佐皆疑其雜禪雖朱子校正陰符經參同契亦不能無疑於治術排功利詆王安石甚力雖朱子謂周禮可致太平亦不敢遽信其他解說經義或引諸家以翼朱子或舍朱子而取諸家亦不堅持門戶之見蓋震之學朱一如朱子學程反覆發明務求其是非中無所得而徒假借聲價者也

邵道冲偈頌

寶慶志

信明智不思議辨正

靈峯山志



德宏法寶傳三卷

靈峯山志

鳥巨行序略凡禪門正法

以顯其宗要學者皆覽之則其

善月楞嚴元覽

延祐志徐興公書目俱云一卷

金剛會解

延祐志天竺山志作元解

圓覺略說

延祐志天竺山志

楞伽通義

延祐志天竺山志

因革論

天竺山志上

金鐔義解

天竺山志上

簡境十策

天竺山志上

四部格言

天竺山志上

宗教元述

天竺山志上

元

黃叔英題菴暇筆三卷

元藝文志補 浙志 嘉靖志 暇作下干頃堂書目入集部

黃玠韻錄

續文獻通考 嘉靖志

僧善良教觀撮要四卷

清容集

十門指要約說三卷

清容集 袁桷曰桷居蓮南湖幼歲遊起信堂羣僧誦聲接几席取其書讀之茫不能解泰字曹先生說曰取子直約說讀之斯解矣後過南湖觀其容和以莊其說坦以明始悟

曰先生語不虛矣

指要餘論一卷

清容集

善入教家四書

清容集

明

劉堯賓誠身錄

浙志 定海志

行恕編浙志定海志

賀欽醫閭漫記一卷千頃堂書目

董一麟醫學問世編乾隆志傳浙志

痘疹遺書乾隆志傳浙

曹之珙集古格言陳志

陳應璠文選類語乾隆志傳應寶

謝泰宗山堂拔萃五十卷詩文草創

張鳴喈山舍偶考乾隆志傳周西序曰寓宇方類種種

綴撮抄究竟何裨於此道此道網羅長若韓八座者補

肆變情亦肆遷而分曹部署則亦直抽絲之繭耳漢有

說苑唐有藝文宋有神史冊府太平御覽明有潛確類

書王氏彙苑撮合簡便循誦習傳蓋亦作備書入舞觀

矣昔靖節先生有言曰疑義相與析固記所云離經辨

志意哉而友人張全協氏息版而修書城高擁其讀書

餘力乃寄析疑於賞奇久之所積裒者盈卷帙張衡左  
思賦不言乎三都兩京五經之鼓吹也吾儕能說諸心  
研諸侯之慮固非期於記事珠耳夫豈必錄錄寸寸擗  
腸拄腹似富貴之博覽乎哉而白鳳丹篆固已懸懸在  
吐咽間矣蓋自覺海松風院盡十年塵胃烟烟靈臺髮  
黃眉秀世尚有式閭而相莊者窗中舊兩戶外浮雲一  
片野心固作三山僊侶九經司庫居然萬選青錢耳正  
莫視幽尊塵軫幾同喃嘯藝諸類也謝緒敬曰余少  
時見庠友合詞舉南村一前輩爲邑賓意爲必預聞之  
也及有司遣吏簡請到門則盛怒卻勿受且爲書以責  
公舉諸友以爲諸君何汚辱我哉余心異之吾邑有此  
高人可謂超然絕俗者矣問其姓氏知爲全協張先生  
時欲一見其面而限以浹江久不相值又聞其仲君得  
新宅於域中屢迎尊人以就願養而堅不肯就終其身  
伏處覺海山中以老此其清風高節與古人所傳足迹  
不入城市者何異哉私心常以不及親炙爲憾今其後  
人以先生所製詩及雜記相示詩清真高潔記則考訂  
典故更多先儒之格言深加歎服是眞有志於聖賢克  
已勵行之道非惟不以富貴擾心又豈屑以文人自命  
者乎爰記數言於後以表彰前輩品地且以寄生平仰  
慕之素不敢以浮詞溢美也孫學伊跋曰先王父全  
協先生固有道君子也隱處覺海山中專意著述惜三

十餘年初以文行式鄉閭斐然負時譽遠近士人爭  
之爲詞壇執牛耳既而杜門匿迹以身既隱矣并不然  
以文字見於世故每有所作隨作隨棄其草本或爲友  
人誦實亦不之究詰問於僧寮野舍中偶有吟哦乘興  
題壁亦率不自署何氏其所遺者祇傳有山舍偶考并  
山舍偶存等書藏笥篋中世父早世余父又挾策遊四  
方季父家居守業謹什襲之弗敢褻復以讀書覺海精  
舍所櫛書帙顧爲同舍生竊去季父遍等求之竟不得  
旋復以家居失火其副墨且被毀無存嗚呼先澤云亡  
痛典刑之莫守殘編可檢或紀述之能傳伊爲悉心搜  
括凡家藏舊笥及古籍中曾經王父筆墨者哀而錄之  
自爲編記仍其名曰山舍偶考其廢篋中一二律紀古  
篇亦彙存之仍其名曰山舍偶存蓋以存什一於千百  
向幸先緒之弗墜焉俾後之子孫世世守之諸光片羽  
其亦有足珍重者乎錄  
畢爰跋數言以識之

周西防秋譜

結埼亭集

全祖望曰先生於經則易書詩

說於集則唐宋杜韓諸大家皆有鈔所稱勦草集諸編  
者也而生平心迹所寄又在訪秋譜一編嘗曰死後當  
盡取吾所著書置石匣藏之墓中而是篇則可比鄭所  
南心史訪秋譜者世俗闕牙牌之戲也其中有所謂至

尊者諸種皆不能抗先生增置其色目自天地外帝王  
將相四民下至盜賊草竊之徒皆有之而更以處士為  
至尊有時世事多端天地帝王俱不能支獨餘處士以  
持殘局而兀然能為中流之一壺先生自為之說其文  
甚奇周郎山見之曰此  
胡文定春秋傳意也  
韻歷陳志

華夏初易朋鶴草

易史過宜言夏與高旦中曰平日曾認著易史

操綬集祖望曰職方甬上嶺者舊傳作操綬安紘譜全

范兆芝用莊乾隆志有史記漢書杜詩世說詩歸諸書

僧超如語錄四卷大慈寺志

超極語錄大慈寺志

智明法華經注浙志嘉

靖定海志

心源藥師正意邵似雍丹霞草詩注海雲

國朝

謝泰定朔物源流志四卷陳志棠川者舊詩蛟

博物化生編四卷陳志棠川者舊詩蛟

屠粹忠三才藻異三十三卷浙江書錄序曰是集也始於四庫存目自

今上御極之二年終於甲子春仲歷二十有四載而訖  
校始成深愧僉訂之學慙蟬之吟適足供大家噴飯遑  
敢災及梨棗乎因余令平邱時歲稔波平甯人息事每  
託筆墨以佐絲桐偶夢神授一編醒憶其立題命意遂  
推廣為三十三卷選題盈萬限字十六當花晨月夕借  
此以燃鬚卽塗次舟中亦藉以抒懷未暇計詞之工拙  
也迨乙丑夏余陳情歸養諸友好好事分校付梓名曰藻  
異實平平無奇耳第思載籍無窮見聞有限惟望同志  
者起而筆削之或加增刪焉是則余之志也夫是則余  
之志也夫康熙己巳張瑤芝序略芝巖屠公工詩嗜  
古凡天文地理志以逮仙釋方技諸書蒞官之餘靡勿該  
覽每謂古來首號博綜無過淮南鴻烈至唐宋之書抄

真每系志  
卷三十一  
藝文  
子  
國

類苑非不采無分門而義例率相踵襲獨馬氏異號錄  
稍見標新而於物類之紀數命名未能參伍以著奇錯  
綜以窮變則猶是盡方而失圓者耳歐陽類集藝文附  
諸逐目之後善已然吾儒能賦能銘何者不可創思題  
咏而特以篇體未應浩汗爰取千百萬億之條約之三  
十三卷束連篇翕翕之勢限之以十六字如箴如銘似  
贊似跋抽思於象外而標韻乎箇中此又平子探觚枚  
臯受簡所易於開筆者而直以嬉笑成之異矣周斯  
盛序略芝巖博綜載籍尤好抄書子史諸集躬自抄錄  
自其為諸生以至從宦遊歷內外口口不覺筆倦近且  
同羅名物鈎探微細山海之大卉木鳥獸魚蟲之錯雜  
區名別類凡例森然自成一家之言名曰三才藻異其  
義備其名雅其意約而不盡其詞奧而能馴列諸文園  
足資多見斯亦大雅之所不遺而游藝者之所樂觀矣  
萬各括以四言二韻蓋類書之支流而蒙求之變體也  
謝緒敬見聞謹述  
考訂三勸戒四錄善五紀事前有陳與

丁酉  
自序

朱文懋先後天圖說  
乾隆志傳



朱韶懋乾隆志傳

曹鎰音韻辨疑陳志

劉堯佐讀書隨筆一卷陳志

張懋建石譜十六卷蛟川詩話

讀書錄十二卷蛟川詩話

續越語肯綮錄一卷蛟川詩話

李三選左傳聯珠十六卷采訪

陳良佐莊子因證陳志

張懋延學經隨筆李昌昱撰傳學經隨筆兩帙學史隨筆

最爲學者近理著

己之務尤非苟作

學史隨筆李昌昱撰傳

強恕錄

李昌昱撰傳

謝鯤祚問津錄

蛟川耆舊詩

沈謨炳燭軒析訓一卷

陳福賈撰傳

陳元棧一笑編

采訪冊

謝佑琦澄心錄

陳志豪

備遺錄

陳志豪

行先錄

蛟川耆舊詩

質古錄

蛟川耆舊詩

徵奇錄

蛟川耆舊詩

緬年錄

蛟川耆舊詩

天文地理纂要

族父周非撰傳

謝旒賢管觀集

陳焯撰墓志旒賢嘗手錄前人所論詩古文義法及與經史相發明者參以己意彙

爲一編曰

警類

鄔聲敦善錄

晚聞居士集

王宗炎序曰鎮海鄔君商珍

居之雲巖鄉建閣以祀文昌之神創書院以處師儒作

節孝義院以闡幽貞立義院以訓孤子之稚者造掩骼

塔以藏骨之不葬者爲廣濟義院以祭鬼之無歸者以

而不置其秀則錄之藝而後守其志則饒之作室割田

所費白金三萬而廣學使者優其行升之太學大吏隨

實以聞

天子嘉之賜階五品風示當世君微然不自足也年垂

六十精力耗竭屹屹孳孳率初益勤懼後世之人無所

遵守迺條厥規自錢板以傳宗炎著其端曰敦善錄而

爲善而已矣自慈悲佈施之說託於爲善總其邪者以

爲不可爲則并所以利物者而廢之矣自陰陽感通之

說託於爲善矯其弊者以爲不必爲則并所以修身者

而失之矣善之當爲矣成而不居其功施而不望其報

攸好行德不求人知而共見共聞之事樂進謙讓而不

肯爲則遠名而過者也始必其要其所終行必稽其所

眞誼

卷三

藝文

子

法密防周若觸機網而法不能備防不能設之事畏惠  
退縮而不敢為則慮患而過者也夫善之數衆矣而仁  
爲大仁之爲言人也人之爲善猶言人之爲人云爾善  
不可爲將人亦不可爲乎儒者述論語博施濟衆堯舜  
猶病孟子言先王有不忍人之心斯有不忍人之政以  
爲仁之難言不知論語稱堯舜病於博愛非病於施濟  
也孟子稱先王若曰必王者而後行是政非必王者而  
後惟是心也是故限於力與拘於分之言皆阻人爲善  
之路者也今觀鄒君家不中資居東海之濱未嘗出而  
仕束身勵行爲善自好亦可以無愧怍矣志之所至不  
顧其力義之所安不計其分卒之天下歸仁鄰國利賴  
此可見人性之善而爲仁之無事作而致矣夫積之不  
厚則負物也無力入之不深則植本也不固根於心之  
本然根莫固焉終身爲之終身以之積莫厚焉此所謂  
敦善行而不怠者也讀是錄也有聞風而興者乎亦爲  
之而已矣善與人同達之天下其於移風易俗之故所  
鮮哉

張本均郢荃筆記

蛟川者

陳景泮經絡全圖

陳志

張校均勾股圖說十二卷子錫路撰行狀

張用均本草綴遺朱訪冊案用均字輔霖諸生

本草經緯朱訪冊

本草指隱朱訪冊

劉燦小學校誤黃式三撰傳

日知錄記疑黃式三撰傳蛟川者舊詩作稿訂日知錄

筆記四十卷朱訪冊

勸學編一卷朱訪冊案家傳又自警錄日省編

謝錫賢字學辨正復莊文編二編

經典類編八卷復莊文編二編

李恭浚養軒風雨錄蛟川續香齋詩案恭浚字宣甫號迂厓臨生

子

雜宮瑣語

蛟川續  
音舊詩

道聽錄

蛟川續  
音舊詩

漢錄集

蛟川續  
音舊詩

姚燮息遊園雜錄八卷

本藏

玉樞經綸二十四卷

本刊

琴譜雅音九奏一卷

本藏

今樂考證八卷

本藏

狙史八卷

本藏

拇蘭錄一卷

本藏

洋煙述考八卷

本藏

盧派書品一卷

刊本  
家漫原名啓  
字楓伯副貢生

十日語錄

采訪冊  
日伏龍寺僧

案千

神芝峯語錄四卷

刊本

補遺

吳

闕澤乾象歷三卷

隋志

乾象歷注五卷

隋志

虞翻周易注九卷

隋書經籍志

論語注十卷

隋志

春秋外傳國語注二十一卷

隋志

老子注二卷

隋志

揚子太元經注十四卷

隋志

周易日月變例六卷

隋志

周易參同契注

經典釋文

虞翻集

隋志

虞荔鼎錄一卷

唐志

欽器圖一卷

宋史藝文志

唐

虞世南君臣謚議一卷

浙志

大唐書儀十卷

新唐志

北堂書鈔一百七十三卷

舊唐志

羣書理要五十卷

玉海

筆體論一卷

通志藝文略



兔園策一卷

郡齋讀書志

虞世南集三十卷

帝王略論五卷

焦氏經籍志

宋

應鑑顯爵淵源世系錄

鄧志

建章集

浙志

袁甫蒙齋中庸講義四卷

四庫書目

孟子解

宋史本傳

孝經說三卷

宋志

信安志

宋史本傳

防拓錄

本傳

江東荒政錄本傳

後省封駁本傳

蒙齋番江集二冊某竹堂書目

樂事錄宋史本傳

蒙齋集四十卷內閣書目

蒙齋續集六冊某竹堂書目

明

豐慶家禮從宜千頃堂書目

國朝

嚴殿霖人物聲音聚考二卷某訪冊

陳國琛經籍韻詁一百七卷某訪冊